

«ISUZU»ДАН ЎМАРИЛГАН ПУЛЛАР

Азамат уйқудан уйғонгач, мижознинг ўрнида йўқлигидан бир муддат хайрон бўлди. Дарҳол машина саломида қолдирган пулини излади. Жойида йўқлигини кўриб, эхонаси чиқди. Шундагина чув тушганини, пулини ўғирлатганини англаб, бу ҳақда ИИБга мурожаат қилди.

8 бет

ГУНОҲ БОТҚОҒИ

...Агар улар нафсининг эмас, ақлининг гапига қулоқ тутганида, йўлларига кўз тикиб, эрта-ю кеч уйга соғ-омон қайтишларини ният қилиб ўтирган оила аъзоларини кўз олдларига келтирганларидими, қийинчилик билан топилаётган пулларини беҳуда ишлатмаган, оғир гуноҳга ҳам ботишмаган бўларди.

9 бет

Mustaqillik huquq demakdir

Ўзбекистон



1997-yil 27-avgustdan chiqa boshlagan

www.huquq-gazeta.uz

2014-yil 13-mart, №11 (896)

Саноқли кунлардан сўнг юртимизга барчамизни соғинтирган Наврўзи олам кириб келади. Қуёш булутлар ортидан бўй кўрсатади. Борлиқни офтоб тафти қиздиради. Бу ҳароратдан ер уйғонади, ўт-ўланлар бош кўтарари, кўнгилларга илиқлик югуради.



Уйғониш даври бошланди

Бу йил ҳам Наврўз байрамини юртимизда кўтаринки руҳда нишонлаш учун Президентимиз Ислам Каримовнинг "2014 йилги Наврўз умумхалқ байрамига тайёргарлик кўриш ва уни ўтказиш тўғрисида"ги Қарори эълон қилинди. Унга кўра, янги кун муносабати билан бўладиган ташкилий-амалий, маданий-маънавий тадбирлар "Ҳар кунимиз Наврўз бўлсин!" деган шир остида ўтказилади.

Дарҳақиқат, табиатга назар солсангиз, ҳадемай бўртиб қолган кўртлар кўз очади. Ариқ лабида бўй чўзган ялпизлар ифори, шўх шабдаднинг майин шивирли дилни энтиктиради. Улар биз кутган, қалбларга шодумонлик, сурур бағишловчи ардоқли айём — Наврўзи оламдан дарак беради.

Энг қадимий, асл миллий ва энг ардоқли байрамларимиздан бири бу Наврўзидир. Йил-

лар давомида ҳаётимизга жо бўлган Наврўз яшариш ва янгиликниш палласи, шарқона янги йил деб очилди, боқий қадриятлар айёмидир.

Унинг бебаҳо қадриятлари баҳорнинг илк кунларида ўтказиладиган ҳашарларда яққол намоён бўлади. Унда юртдошларимиз бир ёқадан бош чиқариб, мамлакатимиз ободлиги ва халқимиз фаровонлигига ҳисса қўшишга интилади. Маҳалла ва турар жойлар, муқаддас зиёратгоҳ ва табаркур қадамжолар тартибга келтирилади, кўча ва хиёбонларга мевали ва манзарали дарахт кўчатлари, турфа гуллар экилади. Миллати, тили ва диний эътиқодидан қатъи назар, диёримиздаги барча юртдошларимиз ҳамжихатликда ўтказиладиган бундай эзгу ишлар жамиятимиздаги ўзаро меҳроқибат, аҳиллик ва тотувлик муҳитини янада мустаҳкамлашга хизмат қилади.

Кўкаламзорлаштириш, янги боғлар яратиш, яшил ҳудудларни кенгайтириш баҳорнинг энг муҳим тадбирларидандир. Наврўз айёмиде амалга оширилаётган бундай хайрли ишлар тўғрисида юртимизда боғроғлар тобора кенгаймоқда, шаҳар ва қишлоқларимизда сўлим гўшалар, хиёбонлар, истироҳат боғлари барпо этилмоқда.

Наврўз — табиатни янгилайди, яшартиради. Унинг удумлари эса инсон руҳини янгилайди, поклайди. Бу байрам бутун борлиқни уйғотгани баби инсон кўнглига қувонч қабишлайди, ҳаётга, яшашга руҳлантиради. Дунёда ҳеч кимдан кам бўлмаган обод ва фаровон ҳаёт барпо этиш йўлида улкан бунёдкорлик ишларини амалга ошираётган юртдошларимизнинг қалбини янги орзулар билан тўлдирди.

Камалиддин АСКАРОВ

2014 йил — Соғлом бола йили

Дастур ижросига бағишланди

Ўзбекистон Республикаси Олий Мажлиси ҳузуридаги Нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фонди маблағларини бошқариш бўйича Парламент комиссиясининг йиғилиши бўлиб ўтди.

Мажлисда сўзга чиққанлар Юртбошимиз томонидан илгари сурилган «Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси»да белгиланган вазифалар ижросини таъминлашда жамоат ташкилотларининг самарали фаолият кўрсатиши учун барча шароит ва имкониятлар яратилганини таъкидлашди.

2014 йилда давлат бюджети ҳисобидан нодавлат нотижорат ташкилотлари ва фуқаролик жамиятининг бошқа институтларининг лойиҳа ва дастурларини амалиётга жорий этиш, уларнинг ижтимоий фаоллигини ошириш учун 8,2 миллиард сўм маблағ ажратилади. Бу ўтган йилга нисбатан 17,1 фоиз кўпдир. Ушбу маблағнинг 46,3 фоизи нодавлат нотижорат ташкилотлари ва фуқаролик жамиятининг бошқа институтларини "Соғлом бола йили" Давлат дастурининг муҳим масалалари ижросига кенг жалб этиш, "Келажаги буюк — соғлом авлод" мавзусидаги грант танловларини ташкил этиш ва ўтказиш, лойиҳаларни молиялаштиришга йўналдирилади.

Грант танловларининг яна бир муҳим жиҳати мамлакатимизнинг чекка ҳудудларида ёшларнинг ижодий-интеллектуал салоҳиятини ривожлантириш, болалар, айниқса, қизларнинг спортга қизиқишини кучайтириш, соғлом турмуш тарзини тарғиб этишдан иборатдир. Шу билан бирга, ҳудудларнинг ижтимоий-иқтисодий дастурларини амалга ошириш, аҳолининг ҳаёт даражасини янада яхшилаш, тадбиркорликни ривожлантириш, кам таъминланган оилаларга кўмак бериш, аҳоли ва жамоат ташкилотларининг шаҳар, маҳалла, кўчаларни ободонлаштиришдаги фаоллигини ошириш, нодавлат тузилмалар ва давлат ташкилотлари ўртасидаги ижтимоий шерикликни мустаҳкамлаш бўйича танловларни қўллаб-қувватлаш доимий эътиборда бўлади. Айни пайтда аҳолининг ҳуқуқий маданиятини юксалтириш, соғлом турмуш тарзини ёшлар ўртасида кенг тарғиб этиш, демократик ислохотларнинг амалга оширилиши ва фуқаролик жамиятини равнақ топтириш жараёнларини ёритишга оид танловларни ўтказиш ҳам кўзда тутилган.

Ўз муҳбиримиз

Сафарбарлик чақирuvi резервидаги хизмат

Мустақилликнинг ўтган йилларида эришилган энг катта муваффақиятларимиздан бири шукки, юртимизда ҳарбий хизматга бўлган муносабат бутунлай ўзгарди. Чунки, истиқлол тўғрисидаги ҳарбий хизматнинг мазмун-моҳияти янгиланди. Унинг замирида ким учун, нима учун хизмат қиламан, деган саволга аниқ жавоб бор. Бу жавоб Ўзбекистон Республикаси ҳар бир фуқаросининг қалбида чексиз фахр-ифтихор туйғусини уйғотади, Ватан олдидаги бурч ва мажбуриятини теран англашига ёрдам беради.

Маълумки, инсон ҳаётнинг моҳиятини, ўзлигини, бобомерос қадриятларини англагани сайин, аждодлари ва ўзи тугулиб ўсган юрт ҳақида билим ва тушунчалари кенгайгани сайин, Ватанига, халқига бўлган меҳр-муҳаббати ҳам ошиб бораверади. Бугунги кунда

миллий ғояларимиз руҳида камол топаётган ёшларимиз қалбидеги ана шу туйғунини сезиш қийин эмас. Она юрт учун садоқат ва фидойилик билан хизмат қилишни улар шараф, деб билмоқдалар.

Ўзбекистон Республикасининг 2002 йил 12 декабрда қабул қилинган "Умумий ҳарбий мажбурият ва ҳарбий хизмат тўғрисида"ги Қонунда ҳарбий хизматнинг турлари кўрсатиб ўтилган. Хусусан, сафарбарлик чақирuvi резервидаги ҳарбий хизмат ана шу хизмат турларидан биридир.

Юртдошларимиз сафарбарлик чақирuvi резервидаги ҳарбий хизмат ҳақида бугунги кунда анча-мунча тасаввурга эгалар. Шундай бўлса-да, мазкур хизмат тури ҳақида яна ҳам кенг-роқ маълумотга эга бўлиш фойдадан холи эмас. Газетонларимизга ўнғай

бўлиши учун бу борадаги фикрларимизни савол-жавоб тарикасида баён этишни маъқул кўрдик. Саволларга Жануби-ғарбий алоҳида ҳарбий округ ҳарбий прокурори, адлия майори Муратжон РАҲМАНОВ жавоб беради.

— Сафарбарлик чақирuvi резервидаги ҳарбий хизматга кимлар қақрилади? Ҳарбий хизматнинг ушбу турини неча ёшга қадар ўташ мумкин?

— Ўзбекистон Республикаси Вазирлар Маҳкамасининг 2003 йил 22 февралдаги 99-сонли Қарори билан тасдиқланган "Ўзбекистон Республикаси фуқароларининг сафарбарлик чақирuvi резервида хизматини ўташи тартиби тўғрисида"ги Низомда бу тўғрида батафсил маълумот берилган. "Умумий ҳарбий мажбурият ва ҳарбий хизмат

тўғрисида"ги Қонуннинг 6-моддаси ҳамда ушбу Низомга кўра, мuddатли ҳарбий хизматни ўташга яроқли ҳамда қақрилиш мuddатини кечиктириш ва қақрилишдан озод этилиш ҳуқуқига эга бўлмаган, бироқ Қуролли Кучлар сафига навбатдаги мuddатга қақрилмаган шахслар сафарбарлик чақирuvi резерви сафига жалб этилади. Фуқаролар сафарбарлик чақирuvi резервидаги хизмат сафига йигирма етти ёшга тўлгунга қадар олинди. Улар сафарбарлик чақирuvi резервида хизматни ўташ даврида ойлик ҳарбий йиғинларни ўташга жалб этилишлари, шунингдек, фақулдда вазиятлар ёки Ўзбекистон Республикаси қарши ҳарбий тажовуз руй берган тақдирда ҳақиқий ҳарбий хизматга қақрилишлари мумкин.

Давоми 10-бетда/

Гуноҳ ботқоғи



2013 йилнинг 1 август куні Элмурод Шодмонов ва Собиржон Турсуновлар (исм-фамилиялар ўзгартирилган) Бешариқдан Юқори Чирчиқ тумани Тинчлик ҚўЙ ҳудудида бунёд этилаётган замонавий уйлар қурилиш объектига ишлаш учун келишди. Бири 33 ёшдан ошган, оилали, бир нафар фарзанднинг отаси, иккинчиси эса 20 ёшли. Йигитлар яхши ниятлар билан қурилиш объектида иш бошлашди.

Кўп ўтмай Замира исмли қиз билан танишиб ҳам олишди. Айнан шу танишув уларнинг ҳаёти тубдан ўзгартириб юборди. Қурилишда ишлаб, оиланинг моддий таъминотини таъминлайман, деган ниятда ҳаракат қилаётган йигитлар шайтон йўлидан юриб, наҳс ботқоғига ботишди. Пешона тери билан топилган 200 минг сўм пул фаҳш ишига сарфланди.

Агар улар нафсининг эмас, ақлининг гапига қулоқ тутганида, йўлларига кўз тикиб, эртаю кеч уйга соғ-омон қайтишларини ният қилиб ўтирган оила аъзоларини кўз олдиларига келтирганларидими, қийинчилик билан топилаётган пулларини беҳуда ишлатмаган, оғир гуноҳга ҳам ботишмаган бўларди.

Ишдан кейин "қиттай-қиттай" қилиб ўтирган йигитлар

нинг қайфлари ошгани сайин, мияларида номаъқул фикрлар пайда бўла бошлади. Спиртли ичимлик таъсирида ақллари хиралашиб, кўнгиллари Замирани тусаб қолди. Бироқ бу сафар фаҳш иши учун пул сарфлаш ниятида эмасдилар.

Тун ярмидан ошганда қизга кўнғироқ қилиб қақиритди. 150 минг сўмнинг дарагини эшитган Замира ҳам "оёғини қўлига олиб" етиб келди ва йигитларнинг даврасига қўшилиб, спиртли ичимлик истевол қилди. Йигитлар "мақсадга кўчишгани"да эса аввали "соққа"ни чўзиб қўйишни талаб қилди. Йигитларнинг эса пул бериш ниятлари йўқ эди.

Бундай жавобни эшитган Замира уларга "хизмат қилиш"дан бош тортди. Лекин бу нарса йигитларни шаштларидан қайтарма олмади. Аввалига Элмурод куч ишлатиб, шаҳвоний нафсини қондирди.

Набат Собиржонга келганида Замира қаршилик кўрсатиб, уларнинг қилишлари ҳақида ҳуқуқни муҳофаза

қилувчи органларга хабар беришини айтди. Воқеанинг бундай тус олишини кутмаган йигитлар ваҳимага тушиб қолишди. Табиийки, бундай пайтда одам қалтис қарорлар қабул қилишни ҳам ҳеч гап эмас. Икковлон ҳам қилғиликлари фош бўлиши ортидан келадиган "ғавғо"ни ўйлаб, қизни гумдон қилишга келишиб олишди.

Икки азамат ва бир ожиза ўртасидаги "жанг"да шубҳасиз йигитларнинг "қўли баланд" келди. Улар қизни уриб-дўппослаб, тош билан бошига бир неча марта зарба бериб, ўлдиришди.

Бир жиноятни яшираман деб, ундан-да оғирроғига қўл урган икковлон шу билан қанот қилмай, қизнинг сумкасидаги қиймати 150 минг сўмлик уяли алоқа телефон аппарати ҳам чўнтакларига уришди. Жиноят изини йўқотишга киришган қотиллар мурдани кўрпа-тўшакларга ўраб, Юқори Чирчиқ ва Бектемир туманлари оралағидаги сувсиз арик

Толиб ТўРАЕВ,
Бош прокуратура бошқарма катта терговчиси

ичига олиб бориб, кўмиб ташлашди.

Шу билан жазодан қутулиб қоламан, деб ўйлаган йигитлар хато қилишганди. Тезда ҳуқуқни муҳофаза қилувчи органлар томонидан қўлга олинган икковлон қонун ҳукмига ҳавола этилди. Жиноят ишлари бўйича Тошкент шаҳар суди томонидан Э.Шодмонов ва С.Турсуновларга узоқ муддатга озодликдан маҳрум қилиш жазоси тайинланди.

Шу ўринда айтиш керакки, агар улар ақл сўзига қулоқ тутиб, ўзларини фаҳш ишлардан тия олганларида, бугун қотилга айланиб, умрларининг анчагина қисмини панжара ортда ўтказишга мажбур бўлишмасди. Афсуски, шаҳвоний нафсларини дея фаҳш ботқоғига ботишди ва оқибатда оғир жиноят содир этиб, панжара ортга равона бўлишди.



ФИФАга хат ёзишди

АҚШ сенаторлари бўлмиш республикачилар вакиллари Марк Керк ҳамда Дэн Коутс ФИФА президенти Зеп Блаттердан Россиянинг ташкилотга аъзолигини тўхтатишини талаб қилишди. Яъни улар Блаттерга Россияни Халқаро футбол федерациясидан чиқариб юборишни сўраб хат ёзишган.

Шунингдек, ушбу икки сенатор Россияни 2018 йилга режалаштирилган футбол бўйича жаҳон чемпионатини ўтказишдан ҳамда Россия терма жамоасини жорий йил Бразилияда ўтказиладиган мундалалдан ҳам маҳрум қилиш фикрини билдиришган.

"Биз сизлардан Россиянинг ФИФАга аъзолигини тўхтатиш масаласини қўриб чиқишингизни сўраймиз", — дейлади АҚШ сенаторларининг хатида.

Бундай вазиятлардан бири сифатида америкаликлар Югославияни эсга олишган. Бизга маълумки, уша пайтда мамлакат ҳудудида ҳарбий ҳаракатлар бўлганлиги сабабли Югославия терма жамоаси 1992 йилги Европа ҳамда 1994 йилги жаҳон чемпионатларида қатнашиш ҳуқуқидан маҳрум қилинган.




Мушук қотили қамалди

Оммавий ахборот воситаларининг ёзишича, мушукни ўлдирган британиялик фуқаро 18 ҳафтага озодликдан маҳрум этилди.

Алкоголли ичимлик таъсирида бўлган эркак машинаси остига қириб кетган жониворни ўлғунча урган. Қузатув камераларидан олинган ёзувларда айбланувчи — 30 ёшли Энтони Делэйн ярадор мушукни бир неча бор тепгани акс этган. Ушбу зарбалар натижасида мушук ҳалок бўлган. Делэйнни озодликдан маҳрум этилишидан ташқари, суд қарорига кўра, яқин беш йил давомида уй ҳайвонларини боқиши ҳам мумкин эмас.

Ўпкани ўстирсан бўладими?



Техас университети тиббиёт факультети олимлари инсон ўпканини лаборатория усулида ўстириш имконига эга бўлишди.

"Medical News Today" маълумотларига кўра, бугунги кунда бир қатор оғир ўпка касалликларини даволашнинг энг мақбул йўли соғлом ўпкани бемор танасига кўчириб ўтказиш саналди. Бироқ, ҳар доим ҳам донор ўпкаси бемор организмига мослашиб кетавермайди. Кўчирилган аъзо танага жойлашиб кета олмас, қилинган барча хатти-ҳаракатлар бекор бўлади, бемор эса, бир йил ҳам яшай олмаслиги кузатилган. Чунки, ўпка танамиздаги энг нозик аъзолардан бири. Уни кўчириб ўтказиш жуда кам ҳолларда самара берган.

Бу борада олимлар 2010 йилдан бери иш олиб боришмоқда. Улар аввалига тажрибани каламуш ва чўчалар ўпкасида қўллаб қўришди. Кейин эса, инсон ўпканида ҳам шундай тажрибани қўллашди. Янги таомилга кўра, турли жароҳатлардан вафот этган ёш организмдаги ўпка марикси бошқа ўпканидан олинган тўқималарга кўчириб ўтказилади ва лаборатория шароитида ўстирилади. Тўрт ҳафта ичда янги ўпка этилади ва у ҳақиқийсидан даярли фарқ қилмайди. Бироқ, бу тажриба амалиётга татбиқ этилиши учун яна бир неча йил керак. Бу иш устида ишлаётган олимлардан бири Жоан Николсоннинг айтишича, сунъий ўпка аввал бирор ҳайвон организмиде синовдан ўтказилиши лозим.

Халқаро ҳаёт



Яшаш учун энг қиммат шаҳар

Британиянинг "The Economist" журнали талқинига кўра, 2014 йилда яшаш учун дунёдаги энг қиммат шаҳар Сингапур деб топилди.

Дунёда барқарор бўлиб турган сингапур доллари ва коммунал хизматларнинг қимматлиги Сингапурни 6-ўридан 1-ўрига кўтарилишига сабаб бўлди. Бу борадаги курсаткич ўн йил аввал 18-поғонада эди.

Шунингдек, яшаш учун энг қиммат шаҳарларнинг дастлабки бешлигидан Париж, Осло, Цюрих ва Сидней ҳам жой олди. Кейинги ўринларни эса Токио, Каракас, Женева ва Мельбурн эгаллади. Кучли ўнналикни Копенгаген шаҳри якунлаб берди.



Непалда авиаҳалокат

Хабар беришларича, бортида 170 нафар йўловчи бўлган Ҳиндистоннинг "Indigo" авиакомпанияси самолётининг шассиси Непалга қўниш вақтида ёниб кетган.

Ҳодиса Катманду аэропортида "Airbus 320" самолёти билан содир бўлган. Қайд этишларича, самолёт тўхтаганидан сўнг, ундаги барча йўловчилар зудлик билан хавфсиз жойга кўчирилган. Дастлабки маълумотларга кўра, авария натижасида ҳеч ким жабр кўрмаган. Ҳозирги вақтда Непал фуқаро авиацияси хизмати ҳодиса тафсилотларини ўрганмоқда.

Ўн миллионлик хазина

Американинг Калифорния штатида истикомат қилувчи оила кўчада ит билан сайр қилиб юрган вақтида умумий қиймати 10 миллион долларга тенг бўлган хазина топиб олинган. Хабарларга кўра, хазина узоқ йиллик дарахт остига қўмиб қўйилган экан. Ер остида чўминчинг ичда сақланган 140 та олтин танга 1847-1894 йилларда зарб этилганлиги маълум бўлди.

Ушбу оила тангаларнинг ақсарият қисмини интернет-аукционга қўйишни, қолганини эса давлатга топширишни режалаштирмоқда.

